

路史金本

前記

リ 8  
2217  
1



賦秋山彙評

路

史

摹宋本重鐫  
酉山堂藏板



伊予  
2.21  
卷



叙

路史者故宋廬陵長源羅  
氏之書也。先生學博而才  
弘。識高而文偉。遐覽載籍。

後遊典墳。玉版金匱之章。  
海上名山之省。赤文綠字。  
河篆龜圖。罔罔不載之清衷。  
通為心極。辟若望衢者罕。

窺其術。觀海者莫際其瀾。  
使之端委。大學論道紫宮。  
垂縱玉階。錯綜先典。扶皇  
綱。勸日取。辟雍封禪。著其

儀。井田封建脩其制。禮崩  
樂壞而正諸太始。系訛氏  
亂而辨夫繇來。大業起。歛  
功張。誠東序之秘寶。瑚璉

之茂器矣。惜也。懷奇毓秀。  
挺河嶽之上靈。不得見諸  
行事。迺搜集百家。輯而成  
史。始自邃古。有夏之後。勿

傳。其。間。事。跡。洪。誕。詳。衆。之。  
畧。略。衆。之。詳。闡。皇。初。欲。墜。  
之。精。傳。後。此。未。謀。之。秘。寧。  
獨。爭。奇。侈。富。蹈。恠。詭。紫。迂。

之。習。哉。蓋。其。耽。志。古。風。棲。  
情。醕。治。見。後。世。之。類。宮。廢。  
封。禪。繁。阡。陌。開。封。建。絕。禮。  
求。原。樂。求。墅。謂。他。人。宗。謂。

他人祖子孫不知其自日  
失厥序也。且藉周伊之攝。  
篡逆滋開。假堯舜之傳。禪  
位。豔起子擅父兵。弟罔先

祚。變亂禁紘。難更僕數。臣  
故譚上帝之政。紀太荒之  
風。深信而樂傳也。然而頻  
總結之。嗟不足欣。黎黃之

韻。悶。帶。索。之。樂。難。而。豁。雲。  
臺。之。觀。滯。途。窅。僻。未。睹。康。  
莊。飾。蹇。狐。兔。安。姍。騏。驎。拘。  
儒。守。經。生。之。說。之。死。不。更。

達士務獨往之奇。扁藏莫  
示。今先生之精義。或幾乎  
息。不可溪悼者哉。今

天子睿明崇道尊尚鴻文凡



九流七畧。八索三墳。莫不  
對懺辭林。揚鑣翰國。方之  
往代。若千羽委曠。膠序寤  
寡。其相去寧咫。尺哉。夫紫

明

衣賤服。猶化齋風。長纓鄙  
好。且爰鄙俗。顧煌々  
詔弘獎人文。巖穴之下。豈  
無閉戶。自精開卷。獨得。拉

掌。母。泉。之。儀。畫。地。南。宮。之。  
事。黜。鼠。必。對。竹。書。無。謬。者。  
哉。而。猥。以。路。史。猶。有。題。拙。  
題。踈。之。恐。耶。僅。自。慚。謏。劣。

未敢言文。而弱齡有志。耻  
列面墻。願其負笈問奇。裹  
糴就道。實亦中心之貺也。  
社兄栢持吳子。妙年嗜古。

髮握蜚聲。食雞千距。名越  
任何。曩也。共聽風雨。以故  
路史一編。得分留覽。開竒  
引勝。服古。驅今。豈漫經生。

故本。迄今夢寐之餘。不能  
已。譬之精金美玉。不即  
人而人自近之耳。已之冬  
栢持手誨。有路史之後。較

記訂偽考義彙評。斯已精  
矣。况以卧子坦公諸有道  
之門。栢持就正殷。則堡  
之風。契於路史。而重以諸

君。子。之。齒。牙。則。更。有。遙。憶。  
心。折。者。屬。予。叙。之。義。在。無  
辭。乎。里。晤。言。藉。茲。古。史。

盟弟金 堡道隱父

題并書



路史別序

輝自夷陵抵衡湘。有為  
輝言。廬陵有君子。曰羅  
長源。智識弘遠。所作路

書序一

皮博達該至。恨不一日  
見之。吕方問族五羊道。  
當繇吉中心。幾有星雲  
之快。而猶竊患不偶。比

屆廬陵。何期忽偶紹介。  
得接公於闔閭之外。議  
論粲發。問及路史。剔方  
錦囊相隨。遂獲一覩奇

秘。然後信所謂五帝之  
佐。竊不贊。三皇之佐。無  
不聖。爲不虛語。實天下  
之奇作也。豈惟如是而

已哉。公固自謂我朝之  
文。所尚山谷老泉。至於  
東坡。少所甚愛。然其發  
論。迺有皆而相侶。又何

耶。輝竊論之。公之立言。遠過賈誼。而敘述。則在莊馬之間。班范而下。不論也。讀封建之論。則知

先王之制治。觀封禪之論。則悟聖人之遺意。稽小弁之說。而父子兄弟之情親。知詩之不主於



寶月四  
文。讀甘誓之說。而君臣  
止下之義明。知書之不  
主於事。稽微子三仁之  
論。而隱顯出處之方立。

知義理之不浮虛。稽吳  
楚書人之說。而尊卑內  
外之分申。知春秋之不  
褒。則至於祝融論樂之

作。則直與樂記齊上下。  
所謂西漢文章。能以文  
敘事者。優爲之矣。噫乎  
不觀論語聖賢之進退。

無。曰。識三皇五帝之遺  
高。不觀路史變故之紛  
杳。歟。曰。見三皇五帝之  
道大。遂使行之。不惟俾

管窺甌舉之徒。不敢妄  
述。而表褐談禪之士。亦  
不。敢。呂。誕。矣。向。使。漢。儒  
有。知。伊。周。非。攝。之。論。則

無。莽。卓。之。禍。知。大。麓。非  
職。之。說。剔。奭。曹。馬。之。禍。  
若。齊。梁。有。此。書。則。佛。老  
不。張。唐。室。有。此。書。則。藩

賢序  
鎮不強。五代而有此書。  
則十國不狂。靖康而有  
此書。則戎翟不昌。習而  
讀之。固足使亂臣賊子

之知懼。而可以國家長  
久。禍亂不作矣。寔五經  
之鼓吹。而諸子之權衡  
也。竊又評之。立蕭曹勲

紫易。作羅氏路史難。路  
史之功。固不在於禹下。  
輝之孱微。高銜大貝。  
以邀說於人。言之有不


足信。然咎人謂文章自  
有公議。而公亦謂杜甫  
非詩人。識者知公此語。  
則知路史矣。丙申六月

十五日鹵蜀費中輝謹

序指人烟未改金出

百公

且計



路史序

太史公作史記蘇子述

古史自黃戲而上不道

曰仲尼不道也予違太

序

史公藐千三百載矣又  
上誨之萬載之前非取  
蓋於聖人也以學者猶  
欲言也神輸雌雄之書

輜軒黃車之籙克棟連  
牀曜聯而轂繫矣然心  
術或蔽違離道本苟以  
譁衆取寵故觸途而輒

序二  
憲皇甫謐之世紀譙周  
之史考張惜之系譜馬  
總之通歷諸葛耽之帝  
錄姚恭季之歷帝紀小

司馬之補史劉恕之通  
鑒外紀亦粗詳矣而其  
學狹淺不足取信太史  
公丁孤羸威學之後首



序三  
掇隧緒旣足通遺而蘇  
子所述第發明索隱之  
舊茲固未足爲全書而  
予之路史所爲起也嗟

乎人者天地之英而聖  
人之道與天地竝春生  
夏長天地有不至聖財  
成焉賞善罰惡天地有

序四  
不及聖輔相焉其所以  
贊天地之化毓者至矣  
是故天地雖大非聖人  
有不立三皇五帝又聖

之出類而人道之極摯  
者也然其猷爲制度反  
菴藹而不昌得亡惜乎  
或曰古今異道古之不

可施於今猶燭之不可  
用於旦也吁亦廬臧爨  
獲蒙蒙亡志者之屏見  
余道一而已惟精惟一

允執厥中自伏羲以來  
炎黃小顓顓嚳陶唐姚  
虞伯禹俱以是傳以今  
並之雖前乎千萬載稽

序六  
符合節是旦暮之轍也  
風容臯夔之徒英霸猶  
在後雖殊世風烈猶合  
於昔方其所表見可得



而言矣曷古今之異哉  
雖然清穆之編詎宜辱  
於擗鈇之手邪式爲抄  
類而獲奇紀且太史公

序七  
來百千賢之論話詳矣  
語留千載此其肯也故  
予論世天皇以還尼於  
有夏以綱太史公蘇子

之亡其有所明則諉之  
私屬疏之下方夢雋之  
論餽誚碩人亦徒以移  
衆云歷紀乾道龍集庚

寅亞歲廬陵羅泌長

源父題



賦秋山覽史隨筆  
程本華曰精一執中森俟皇極之煩言欽恤兩字何  
至呂刑之騰口蓋古今世變不同而文之繁簡因之  
孔子曰夏道未瀆辭推而言之則殷周之辭已瀆矣  
韓昌黎云周公而下其說長  
稍括之兵恣房瑄之車戰剽歆王安石之周禮其恣  
是也其皆非也澤麋而蒙雕虎之皮尸鳩而傳鷓鴣  
之羽適足增其累耳胡致堂必欲行封建張橫渠必

欲行井田。幸而不用。於豈不幸。而試其敗塗地。朱子猶憐其有志未就。而卒亦迂矣哉。

左傳方城以為城。古本方本万字。古字萬亦作万。故訛。俞唐勒奏土論曰。我是楚也。世伯南土自越。以至

葉垂弘境。萬里故曰萬城也。褚季。塾語孫安國云。北人學問。淵綜廣博。孫答曰。南

人學問。清通簡要。支道林聞之曰。聖賢固所忘言。自中人以還。北人看書。如顯處視月。南人學問。如燭中

窺日。

都何以訓美都者。鄙之對也。左傳云。都鄙有章。淮南子云。始乎都者。嘗卒乎鄙。蓋天子所居輦轂之下。聲

名文物之所聚。故其士女雍容閑雅之態。生今諺云。烹樣。所謂都相如。傳車從甚。都是也。邊氓所居。藂俞

之邑。狐狸豺狼之所嗥。故其閭閻吝嗇村陋之狀。出今諺云。野樣。即古之所謂鄙。老子云。眾人皆有以而

我獸頑似鄙是也。

易林舜升大禹石夷之野後漢戴叔鸞傳云大禹生  
鹵羌水經注禹生於蜀之廣柔縣石紐村今之石泉  
縣也石紐村今之石鼓山其山朝暮二昔有五色霞  
氣又有大禹採藥亭在大業山其地藥氣觸人造二  
不可到地志不載聞之士人云  
道書以一卷為一牙音周與軸通陶九成說邪用之  
佛書以一條為一則洪景盧容齋隨筆皮繩祖學齋  
佔卑用之佛典又云多羅樹葉書凡有二百四十縛

縛古絹字亦借為卷字

目擊道成謂之睿故其字從目聲入心通之聖故其  
字從耳故曰聖人時人之耳目

唐庚曰三桓諷魯作三軍合周禮矣其志乃欲卑公  
室而奪之權曹操諷漢復九州合禹貢矣其志乃欲  
廣冀州而益其地晉曲沃莊伯用夏正合人統矣其  
心迺欲自立元姦人欲濟其邪謀者未嘗不引經術  
也



五福不言貴而言富。蓋三代之法。貴者始富。言富則知貴。所謂祿以馭其富也。貧富貴賤離而為四。起於後世不能制爵祿之失。庾道季曰。廉頗藺相如。雖千載上苑人。凜二恸。如有生氣。曹蜍李志。雖見在獸。一如九泉下。人人皆如此。便可結繩而治。恐狐狸獐貉。取盡何獸。文章無生氣也。唐開元中。張說為相。有人惠一記事珠。紺色有光。或

有遺忘。即玩此珠。心神頓悟。陳壽云。蜀無皮職。故災祥靡聞。按黃氣見於狝。麋。群鳥墮於江水。成都言有景星出益州。言無宰相氣。若皮官不能置此事。何由而書。蓋因父受髡辱。加茲謗議者也。蔡邕明堂論云。太廟太室明堂太學。辟雍名異而寔同。袁準正論明堂宗廟太學禮之本物也。事義不同。各有所為。而世之論者。合以為一體。取詩書放逸之

文。經。典。相。似。之。語。推。而。致。之。考。之。人。情。失。遠。矣。宗。廟。之。中。人。所。致。敬。幽。隱。清。淨。鬼。神。所。居。而。使。眾。學。處。焉。饗。射。其。中。人。鬼。慢。瀆。灰。生。交。錯。俘。囚。截。耳。以。干。鬼。神。非。其。理。也。袁。子。之。論。卓。矣。蔡。邕。名。儒。不。知。何。以。臆。誤。如。此。果。如。其。言。則。先。王。之。明。堂。殆。壯。虜。之。穹。廬。南。夷。之。硯。房。先。王。豈。為。之。乎。古。文。語。多。倒。漢。書。中。行。說。曰。必。我。也。為。漢。患。者。若。今。人。則。云。為。漢。患。者。必。我。管。子。曰。子。邪。言。伐。莒。者。若。今。

人。則。曰。言。伐。莒。者。子。邪。春。祿。緯。曰。武。露。布。文。露。沈。注。曰。甘。露。降。其。國。布。散。者。人。尚。武。沈。重。者。人。尚。文。文。露。之。說。他。書。所。罕。聞。文。人。亦。罕。引。用。古。書。解。者。多。失。其。義。遂。罕。於。理。尚。書。注。怪。石。之。貢。以。為。奇。怪。之。石。後。世。靈。壁。太。湖。嵌。空。玲。瓏。以。供。戲。玩。是。禹。為。牛。僧。孺。米。元。章。也。又。解。禹。貢。三。江。之。水。味。別。是。以。聖。人。為。品。水。鬪。茶。如。陸。羽。張。又。新。之。流。也。戰。國。處。

士謂舜塗廩浚井。遭焚坑而不死。列女傳又謂二女寔教之。是以舜為左慈劉根。而二女為李全之婦。劉綱之妻也。靜言思之。皆可發一笑。東漢桓榮為少傅。大會諸生。陳其車馬印綬。曰今日所蒙。稽古之力也。可不勉哉。孔融為北海太守。為袁所攻。流矢雨集。矛戟內接。然融憑几安坐。讀書論義。自若也。

計十九條

路史刻政四條

此史句雕字斷。淹古通今。舊本不分句讀。殊未便於覽觀。矧其精義宏深。筆姿迥麗。莫為評隲。讀者與作者未即相親。茲猷彙採名評。群摭碩議。務使古人之精神。湛光楮上。非徒俗學之侈靡。綴采行間。高明之家。諒能玄鑒。音釋字義。考訂類名。俱以閒昔互觸于他書。偶得於別部。考同晰異。証諸先賢。送難起疑。因夫逞哲。若夫


各史別文

創非嘗之說。而自是其愚。瀉委瓌之才。而動誣其衆。取譏大雅。遺駁哲人。猖狂之戾。吾知免夫。魯魚亥豕。諸刻皆然。惟此史之差訛特甚。蓋以字古制筆畫之用。或簡或煩。或隸或篆。自非耽心典肆志秘函。鮮得驟通其故。茲猷詳讐細較。慎之再三。聚諸舊刻。斟酌靡憾。訂舛之功。莫出其右。此史序列上皇。視古如掌。標分姓氏。溯本尋源。中間封建井田之制。道之孔諄。兵農錢賦之科。述之至備。

誠足贊勳

盛治。扶佐太平。至於發揮餘論。有時闡發本旨。領勝標新。直足補訓詁之拘牽。廣經生之囿滯。披襟靜對。良足爽心。握管抽詞。允能入妙者也。

仁和布衣臣吳弘基具畧



各史列女

重訂路史前紀目次  
 宋 廬陵 羅泌著  
 明 仁和 吳弘基訂  
 第一卷 皇紀  
 初三皇紀  
 中初天皇  
 初二天皇  
 初天皇



重訂路史前紀目次

宋 廬陵 羅泌著

明 仁和 吳弘基訂

第一卷 皇紀

初三皇紀

中初天皇

初二天皇

初天皇

敘四大

第二卷

中三皇紀

天皇氏

地皇氏

九頭紀

泰皇氏

敘十紀

第三卷

循蜚紀

鉅靈氏

句彊氏

護明氏

涿光氏

鈞陣氏

黃神氏

拒神氏

犁靈氏

大驄氏

鬼驄氏

奔茲氏

泰逢氏

斟冉昶氏

第三蓋盈氏

大鼓氏

雲陽氏

巫常氏

泰壹氏

空桑氏

神民氏

倚帝氏

次民氏

第四卷

因提紀

辰放氏

蜀山氏

逐傀氏

渾沌氏

東戶氏

皇覃氏

啓統氏

第五卷

因提紀

吉夷氏

几遽氏

絺韋氏

青巢氏

遂及氏



庸成氏

第六卷

禪通紀

史皇氏

栢皇氏

中皇氏

大庭氏

栗陸氏

第七卷

禪通紀

昆連氏

軒韓氏

赫獲氏

葛天氏

第八卷

禪通紀

尊盧氏

祝誦氏

第九卷

禪通紀

吳英氏

朱襄氏

陰康氏

無懷氏

重訂路史全本

廬陵 羅泌 輯 男 華 註

雲間 陳子龍 閱 仁和 吳弘基

西湖 金堡 忝 錢唐 吳思穆 全訂

仁和 童聖麒

初三皇紀

初天皇

初地皇

各史

前已卷之一

初人皇

事有不可盡完。物有不可臆言。眾人疑之。聖人之

所稽也。易有太極。是生兩儀。老氏謂有物混成。先

天地生而盪者。遂有天地權輿之說。儀。匹也。不曰

先後。兩無彼此。有相匹之意矣。天一地二。者。此先

後之言爾。地亦惟一而云二者。言下已落第二也。

李明之。衡山記云。朱符謂火筋如兩儀成變化。夫

不可缺一。當有識者辨之。有太極說。見發揮。夫

太極者太一也。是為太易。太初列國寇曰。有形生

於無形。無形天地之始。始。天地之初。有太易。有太初。

圍一作禦

有太始。有太素。太易者。未見氣。太初者。氣之始。太

始者。形之始。太素者。質之始。氣與形。質具而未離。

曰。渾。淪。混沌也。河圖括地象云。易有太極。視之不

見。聽之不聞。循之不得。故曰易。易內篇云。日月相

及。易之名。二。易無形埒。大衍之數五十。其用四十

倍。見發揮。一。易變而為一。北方一變而為

七七變而為九。七衍數。九玄數。此河洛自然之用

矣。還返變通之謂也。是九者究也。九變復而為一。

答

前已卷之一

七

丘瓊山曰  
三才各有  
太極必有  
實立源頭  
誰究解到  
此

始則終終則始會九而渡元變九而渡貫易卦自  
一變至七為歸魂而本宮之氣革矣渡二變而返  
予太體是渡變為一也一者形變之始也而變四  
九轉之道亦數之足爾一者形變之始也而變四  
地以用者三不用者一也體數四而用者三不  
四而用者三不用者一也體數四而用者三不  
用者一者數之始而非數也二而四三三而  
九以至九九八十一皆可變以乘而一不變百則  
十也十則一也故亦不變去其清輕而騫者為天  
一而極于九皆用其變者也  
濁重而墜者為地冲粹而生者為人  
見列子知此說則可天地壹縕萬物化醇男女會  
以究天地之蘊矣天地壹縕萬物化醇男女會  
精萬物化生而庶彙繁矣天地交而萬物生也夫

五行之生各一其性乾道成男坤道成女自是衍  
之則為十為百為千萬如核既坼則根生榦上  
生枝生葉斯雖然治故荒忽井魚聽近非所詳  
謂三生萬物雖然治故荒忽井魚聽近非所詳  
言而往昔載謀又類不融正閏五德終始之傳乃  
謂天地之初有渾敦氏者出為之治即代所謂盤  
一日九變蓋元混之初陶融造化之主也六韜大  
明云召公對文王曰天道淨清地德生成人事安  
寧戒之勿忘忘者不祥盤古之宗不可動也動者  
必凶今顛之會昌有盤古之本盤固名其湘鄉有  
盤古保而零都有盤古祠盤固之謂也按地理坤  
鑑云龍首人身而今成都淮安垂皆有廟祀事  
具徐整三五歷紀及丹壺記至唐表天網推言之  
真源賦謂元始應世萬八千年為一甲子荆湖南

容史

前紀卷之一

三

北。今以十月十六日為盤古氏生日。以候月之陰晴云。其顯化之所宜有以也。元豐九域志。廣陵有盤古冢。廟。治亦神。假者錄。異記。成都之廟。繼之以有盤古三郎之月。庸俗之妄。餘詳農揮。繼之以天皇氏。地皇氏。人皇氏。三靈者。紀在洞神部。又有所謂初三皇君。詳見而以此為中三皇。蓋難得而稽。据然既揄之矣。此予之所以旁搜旅撫。紀三靈而渡。著夫三皇也。諸書說三皇不同。洞神既有別。而神農為淡三皇。周官大戴禮。六韜。三畧。文列莊子。不韋春秋。有三皇之說。而劉恕以為孔門未有明文。孔安國曰。伏羲神農黃帝為之三皇。斯得正矣。至鄭康

鍾伯敬曰  
自是持正  
之論

成注書中。候勅省圖。乃依春秋運斗樞。純黃帝而益以女媧。與洞神之說合。然白馬通義。乃無女媧。而有祝融。甄曜度與梁武帝祠象碑。則又易以遂人。蓋出宗均。援神契注。與譙周之史。攷終紘不一。故王符云。聞古有天皇地皇人皇。或以及此。亦不敢明。至唐天寶七載。始詔以時致祭。天皇氏。地皇氏。人皇氏。于京城內。而王璵建言。唐家仙系。所宜崇表。福區。請度昭福。作天華上官。及靈臺大地。安父祠。於是立三皇道君。太古天皇。中古伏羲。渾敦。女媧等堂。皇則太古天皇。外渡別立三皇矣。渾敦氏之世。但聞牢漫而不昭晰。有不得而云矣。王充曰。古之水火。今之水火也。今之聲色。後之聲色也。鳥獸竹木。人民好惡。以今而見古。繇此而知來。千

世之前萬歲之後無以異也。事可知者。聖賢所共知也。不可知者。雖聖人不能知也。非學者之急。今一切隔之。

初二皇紀

略史全本一卷終

重訂略史全本

廬陵

羅合泌

輯

男

華註

雲間

陳子龍

全閱

仁和

吳弘基

西湖

金堡

會稽

王

谷全訂

中三皇紀

天皇氏

天地成位。君臣道生。粵有天皇。

易通卦驗文。按洞神部。以此為中三皇君。

略史

前記卷之二

顧音奇  
揭音條

陳臥子曰  
斯道隱遠  
玄奧難原

是君臣道是曰天靈外紀云十二望獲強尊以獲為

生之淡字子潤為君並詳洞神部頌羸三舌十二驤首鱗身傳記

皆說身此亦形相碧盧禿榻丹壺首出庶物君有五

爾說在女媧紀實司元化歲紀攝提見徐整斟元陳

期云猶五條非樞以立易威春秋保乾圖云天皇於是斟元陳樞以

宋君云威則也言斟酌元氣陳秉錄司契無文不懷

列樞机之行以改立先法矣陳秉錄司契無文不懷

乾曜追元像符合氣太微黃書云天皇象符亭毒萬

有風行焱逝亭毒其形靈書八會天文謂之太上玉

策按洞神第十四一天皇內字二地皇內紀三人皇

內文皆三元八會自然成文鳥迹之始也真誥曰八

會文章之祖也一皇演八會之文為龍鳳之章雲

然洞神三皇經云三皇自然之文皆以金玉為用天

為簡白玉為文益道家者深以三皇經為三墳太洞

經云三皇經者玉真洞清上清洞玄太清洞神也三

洞蒼元經云洞真上清也洞玄靈寶也洞神玉券十

三皇也然近代三墳書非此也有跋見洞神玉券十

華洞神經有三皇印三皇玉券一曰金契三皇經云

以香特人風真淳太真科云大化始立人風真淳故

道接三皇之世洞玄名靈寶之道明三才度五帝之

之世洞真名天寶之道紀清正之方濟三代之後體

各史前已卷之二

真得極。靈寶經云。三一者。上一真帝之極。中一真皇  
 地皇得主。故上成一真王。之妙。天皇得極。故上成皇極。  
 妙。三皇得真。而守一。其真極也。得一而已。提名旋  
 復。提名。策名也。旋。無門無旁。神運四輿。被迹無外。無  
 復。言其變化。旋。無門無旁。神運四輿。被迹無外。無  
 熱之陵。通甲開山圖云。天皇出於桂州。即無外山也。  
 水經注云。或言即崑崙。崇氏。三輔九翌。為世億齡。頃  
 云。五龍及天皇。皆出其中。三輔九翌。為世億齡。頃  
 始學篇。天皇十三頭。皇氏洞紀云。一姓十三人。也。它  
 書皆然。獨春秋緯言。天皇地皇人皇。皆九人。分為九  
 州。長天。下故。河圖括地象云。天皇九翌。提名旋復。蓋  
 輔翌者。九人。爾。易通卦驗云。天皇氏之先。與乾曜合  
 元。君有五期。三輔。公卿大夫也。故禮記正義謂三才既  
 亦有五期。三輔。公卿大夫也。故禮記正義謂三才既

判尊卑自然。而有天地初分。即應有君臣治國。第  
 年代綿遠。而無文爾。三輔九翌。併皇是十三人。

地皇氏

天皇氏逸地皇氏作。出於椎耳龍門之岳。見遁甲

名岳。姓。字子元。號馬蹏。妝首。十一龍君。迭辟繼道。地

十一君。皆女面。龍。額。水經注。榮氏云。兄弟十主。

治。荒。極。雲。章。載。持。逮。天。協。德。與。地。侔。斿。洞。神。經。云。中

八荒四極。四。太始之元。三皇一。一等。經。云。中。天。皇。以。

始元年。出治。平。初。太始。云。上。竟。號。年。按。道。書。有。元。景。

延和。赤。明。延。康。秦。籠。漠。開。皇。無。極。等。號。而。武。帝。內

揚升庵曰  
 返字是清  
 淨家言然  
 尊荒忽宕  
 談之世此  
 字的確沒  
 襲道家曰  
 練蛇墨家  
 曰煙槃可  
 謂旁門不  
 入正錄

各史  
 行已卷之二  
 三



傳。又有青虛三統經序。有中皇之類。上成正一。不生  
悠。無驗。特取太始太初之意云。得道之秉。立乎中央  
不化。覆却萬物。覆於下。却於後。見上紀。得道之秉。立乎中央  
神與化游。唯庸有充。見文子等書。鬼出電入。龍興鸞  
集。鈞旋較轉。周而渡西。鴻烈爰定三辰。是分宵晝。通見  
曆。或謂三辰有度晝夜有經。何定之有。曰不然。茲  
持。後世作儀器以揆躔度。準盈虛以正昏明者。固非  
移。日月而易晝夜也。是知躔度。魄死魄生。式殷月候。通  
度。各景之用。有自於此矣。十一月為冬至。亦見高氏小  
云。地皇以三十日為月。十一月為冬至。亦見高氏小  
史。此亦本自然爾。凡事有出而無收。始取以証者。此  
也。之類。諸治徑易。火紀周正。帝系譜云。天皇氏以木王  
也。

謂天皇以木德王。故或有草榮木替。亦號萬齡。三皇  
起。二皇為羲炎者。非也。草榮木替。亦號萬齡。三皇  
皇。地皇。人皇。俱萬八千歲。始學篇則云。八千歲。按真源  
天地。二皇。俱萬八千歲。始學篇則云。八千歲。按真源  
云。盤古氏。後有天皇。君一十三人。時遭劫火。乃有地  
皇。君一十一人。各萬八千餘年。乃有人皇。君兄弟九  
人。結繩刻木。四萬五千六百餘年。皆雜取信。夫太素莫  
莖。固有定數。然方此時。歲曆未著。烏從而紀之。我三  
墳。書以一歲為一易。草木蓋以草木周禪為之。紀辨  
爾。今都波之人。莫知四時之候。女貞之俗。不知正朔  
紀年。但云已見草青。歲度。派求之國。以月生。死辨時  
以草木榮枯為歲。儋崖觀禽。歟。產乳識時。占蓍芋成  
熟。紀歲。土番以麥熟為歲。首。宕昌黨項。皆候草木以  
記時。序太古之世。中國之俗。有以與蠻夷同。斯不疑  
者。曰萬齡者。亦  
號數之萬爾。

帶音經貯  
也止也

伯陽父曰泰古二皇得道之秉立乎中央神與化  
游以撫四方是故能天運地帶而輪轉無廢水流  
不止而與萬物相終始然不曰三皇者豈非泰皇  
之世人道大備非復二皇之代故退首乎十紀而  
不遂與二靈參邪予故從之別紀二靈而返泰皇  
氏於九頭紀

九頭紀第一

泰皇氏

地皇氏逸于有人皇九男相像其身九章

見雜書 胡洮

龍軀

姓愷名胡洮字文驤首達腋

玉篇云亦臂也今作掖腋出刑

馬山提地之國

遁甲開山圖云人皇出於刑馬山提地之國山今在秦州伯陽谷水出之

老子之

相厥山川形成勢集才為九州謂之九圍 見雜

皇出賜谷分九河

人別居一方因是區理是以後世

謂居方氏

見三墳又雜書云人皇出于提地之國凡

肇此分矣今石碣有

太平元正肇出中區 王月出治

大中祥符五年

聖祖降言上天祐德之意以為

玉清分職實曰九天

司命在昔乃為人皇蓋九人之

前紀卷之二

五

莊子曰黃帝立為天子十九年聞廣成子在于崆峒之上故往見之曰我聞吾子達于至道敢問至道之精廣成子曰自治而治天下雲氣不待族而雨草木不待黃而

一亦嘗降治國家之始祖云駕六提羽乘雲祇車見維書寰宇記作抵車誤字其八土為人立命守一得妙人氣自正皇之時人皆氣清漆知天地之爰後風雨以御六氣昭明神靈光際無泉挺桐萬物無門無毒以叶言教為天下谷言如云言辭迪出谷口谷口古塞門或云上賜谷蜀秦猶文教也必傳云三皇乘祇車出谷口謂今北斜谷樂還乘青冥覆露六幕罔不承命上下道史從之妄矣裏高厚何德之儲其所付畀與人天參離良是仇書維適三辟云人皇別長九州離良地精生女有佐無位為后夫婦之道始此又見春秋命曆敘

落日月之光益以荒矣又奚足固知守一得妙廣成未之言也况其他乎

主不虛王臣不虛貴文子鵠冠子云九皇之制主不自居吏民於次者無國虛王臣不虛貴階級尊卑名號付授與天人參相結連鈎考之具不備也政教君臣所自起也飲食男女所自始也起飲食男女所自始則前乎此者無政教無君臣有當是之時天下思服不男女不飲食者矣它可類推日出而作日內而息無所用已頽然訖終為世之印

兩皇並隆右中天皇而下河圖年代歷等皆記之三百百年小司馬氏取之不足稽也寶積記云斯頻國石室中有三皇石像皆龍形長六丈天皇十二頭地皇十一頭人皇九頭頭者人也若今數牛魚然古貞故爾

卷之二

有天地則有萬物。有萬物則有男女。有男女則有夫婦。有夫婦則有父子。有父子有君臣。道也。昔者太極泮而渾敦氏職焉。渾敦氏逸而有初三皇君。三皇射而二靈作。二靈後乃有十紀。其六在鉅靈氏之前。百七十有八姓。其四在鉅靈氏之後。三紀五十二姓。而跡化之紀。自黃帝始。其歲之遠近。置而勿論。可也。略條刺於右端。春秋命曆序云。自開闢至獲麟。二百二十七萬六千歲。為十紀。易乾鑿度。及春秋元命苞。皆云二百七十六萬歲。每紀為一十六萬七千年。廣雅曰。均為

誕矣。夫二十九萬一千八百四十歲。而反太素冥。此道之根本也。推牘於曆數之理者。能知之。有太素之年。說見餘論。

其一曰九頭。是為一姓。紀則泰皇氏紀也。秦丞相有天皇。有地皇。有泰皇。泰皇最貴。貴者非貴於二皇也。以其阜民物。侍君臣。政治之足貴也。按孔衍春秋後語。泰皇乃人皇。張晏云。人皇九首。韓敕孔廟碑云。前開九頭。以吐言教。是也。泰皇即九頭。紀舊記不之知。爾真源賦云。人皇獸倦塵事。乃授籙於五姓。知為九頭。紀也。韋昭亦云。人皇九人。所謂九皇。然鵬冠子。所稱九皇。則又非此。至董仲舒。驚震乃推神農為九皇。異矣。

五龍二。是謂五姓。紀。治在五方。司五類。五行之布象類。

卷之二

山岳張陵二十四治圖云伏羲造天地五龍布山岳也方是時也。世亟巢

穴。日月貞明真源云五姓乘雲車而治天下時人穴處巢居日月貞明一曰五龍紀

益龍德而正中者也。漢世祠之膚施春秋命曆序云皇伯皇仲

皇牀皇季皇少五姓同期俱駕龍。弭曰五龍。爰皇後君

也。昆弟五人。人面而龍身。然以五音五行分配為

五龍之名。如角龍木龍之類。而以宮龍上龍為父

又言五龍以降天皇兄弟十二人。分五方為十二

部。法五龍之迹。行無為之化。為十二時神。是天皇

在五龍之溪。安矣。鄜元水經云。父與諸子俱僊。治

在。五方亦見李善游僊詩注。所也。故漢宣帝立五

龍。僊人祠於膚施。亦著地理志。按膚施今隸延安

有黃帝五龍祠。四在山上。亦曰僊泉祠。寰宇記五

龍泉出山東一里。平石縫。雄吼甘美。上有五龍堂

而五龍谷水。乃在耀之雲陽縣。雲陽宮之西南。又

非上黨之五龍山也。

攝提三。是謂五十九姓紀。五說錦帶前書謂之括

非蓋攝提首紀爾大史公言九皇氏沒。六十四氏興。六十

四氏沒。而三皇興是也。謂六十四氏。蓋併五姓而

言。而所謂三皇者。乃合雜之三姓也。在漢皆饑。漢

儀云。凡聖王之法。祭天地日月星辰山川萬神。皆

古之人能紀天地五行之氣。奉其功以成人者也。

前記卷之二

故其祭紀皆以人事之禮食之天與土地金木水火土石是矣又祭三皇五帝九皇六十四氏凡八

十有一姓皆古帝王也故鄭釋周官以三皇五帝九皇六十四氏為四顛氏或作民誤

合雒四。是謂三姓紀。龜圖出雒送而合之。所謂黃

為熊。教人穴居。錦帶書云。合雒四姓。教人穴居。乘

俱非。教人穴居。有巢教人巢居。四姓謂敘命紀。乘

蜚。庶以理。見真源賦。連通五。是謂六姓紀。或作連通。乘蜚麟以理。見賦。蜚庶

之顛。蓋皆馬名。如蜚菟青龍白鶴野麋娥鹿走狐駒吾等爾。敘命六。是謂四姓紀。克以命敘。駕六龍而治。賦云

敘命六。是謂四姓紀。而通之也。駕六龍而治。賦云

後付七十二姓。駕六龍而治天下。七十二姓者。攝提六雒。連通敘命之四紀也。然云次傳五龍氏。又

以六姓紀為後五姓。次傳敘命紀。合一。百一十萬七百年。至遂人。則妄矣。

### 右古六紀在鉅靈氏前

循蜚七。是謂二十一姓紀。自鉅靈氏而下紀也。德厚

信。砥天下之人。循其化。以若飛也。陶弘景譜曆云。上古有循飛紀。

因提八。如辰放氏之衣皮。有巢氏之編董。遂人氏

之出穴。皆因其變而舉之也。即十有三姓也。諸記

躡九頭紀。次五帝。躡五龍紀。次攝提紀。次連通紀。次叙命紀。次曰提紀。次禪通紀。次為合雒。循蜚傳

爾之課

禪通九是謂十有八姓紀。史皇氏之通封禪者十

有八姓也。三墳書作通姓氏。不以九頭五龍提捷

取。然淺陋。每難据云。紀。在通姓。後。妄也。大率此書雖有所

疎。仁義道德之所用也。自秦

氏沒而嘗無君矣。其子民也。聚生羣處。無君親之

異。仁義禮智之所不用也。施報往來之所不行也。

其有君者五紀。予不知幾氏矣。司馬貞曰。九紀之

堦音詭。所堦崖岸也。

間。豈惟數千百載三二十皇而已哉。而莊周之說

易姓而王。封泰山。禪梁甫者。蓋七十有二代。其有

形兆整堦者。千八百餘所。然則宇宙之端。握符登

紀。為萬物之主者。可勝記邪。予讀易大傳而知天

地之有初。翔於僻邑。荒村。况見大古之俗。顧豈俟

身親而後信哉。昔者成湯之問夏棘曰。古初有物

乎。夏棘曰。古初無物。今焉得物。使後之人。而謂今

之無物。可乎。冉求亦問於仲尼曰。未有天地可知

乎。仲尼曰。古猶今也。曰。然則昔吾昭然。而今昉然。何也。曰。昔之昭然。神者先受之。今之昉然。又且為不神者求也。祇凋新。襲蟻。蟲生之。州沼。創出。蟲魚產之。一氣之易。萬物自見。故雖天地必有初也。而况於人乎。譚藪云。道言天地初闢。一日為雞。二日為狗。三日為猪。四日為羊。五日為牛。六日為馬。七日為人。賤者易生。貴者難生。故今人以建寅之月。一日起。至七為人日。其源於此。蓋不知也。兩間之物。彼亦一無窮。此亦一無窮。豈以不接而遽蔑斷之哉。茲固存而不論。泰皇以下五紀。凡九萬歲。十紀者。舊

言六在遂人前。鄭康成六藝論云。遂人。後歷六紀。九十一代。至伏羲始作十二言之教。方對機注云。九頭一。五龍五。攝提七十二。合洛三。連通六。敘命四。凡九十有一。如鄭所言。則十紀皆在遂人之後。而四紀又在伏羲之後。非也。馬總之徒。俱謂十紀通百八十有七代。又云。伏羲前六後三。各立年歲。亦惟取據張揖貞到。徐整等爾。皆不可質。

中三皇紀

路史全本二卷 終

路史

前已卷之二

十一



路史

重訂路史全本

廬陵 羅泌 輯 男 萃 註

未 鶯湖 胡夢泰 閱 仁和 吳弘基

西湖 金堡 叅 四明 李國標 全訂

循蜚紀 第七

鉅靈氏

鉅靈氏之在天下也。握大象。持化權。乘太極。而蹠瀨。淑。立乎無間。行乎無窮。揣丸變化。而與物相斲。鑿甲遁

鑿音鑿字  
彙作鑿

路史

前記卷之三

一

開山圖云。巨靈與先出於汾。隍。汾水之隍上也。其地  
氣齊生。為九元真母。出於汾。隍。今隍縣北。一。揮五  
慶軍是。廣韻云。鉅靈。出於汾。隍。今隍縣北。一。揮五  
百二里。有鉅靈廟。九域志云。鉅靈祠。河中府也。李淳風  
丁之士。驅陰易。反山川。正派並生。神化大。小卷云。  
元始判氣。天皇帝鎮立名山。各有所屬。今野益當  
是時。六合之門。有未融者。故鉅靈女媧之徒。以神通  
智力。出而贊化也。五丁。蓋非一。按世本及蜀紀。華陽  
志。益州記。十三州志。成都記。等。皆言五丁。事蜀王開  
明。負力能徙山。通石。則目以五丁矣。又言五丁。其時  
未有。踰謚。但以五行方色為主。故廟有赤黑黃白之  
帝。惟無恒。虔。或云。治蜀。蓋以其迹。纏焉。傳載鉅靈之  
引。一鉅靈邪。薛綜以鉅靈為河神。蓋本水經所引。謂  
國語。華岳當河。河神鉅靈。手盪。脚踏。開而為兩。言之

今國語亦無此文。又漢武帝內傳。時東都  
送一小人。長七寸。東方朔謂為鉅靈異矣。

予既得丹壺名山之記。又得呂梁碑。獲送帝王之  
世。乃知天未喪斯文也。丹壺書云。皇次四世。蜀山  
僂倪六世。渾敦七世。東戶十七世。皇覃七世。啟統  
三世。吉夷四世。九渠一世。稀韋四世。大巢二世。遂  
皇四世。庸成八世。凡六十有八世。是為。曰。提之。紀。  
倉頡一世。栢皇二十世。中央四世。大庭五世。栗陸  
五世。麤連十一世。軒轅三世。赫胥一世。葛天四世。

宗盧五世。祝融二世。昊英九世。有巢七世。朱襄三世。陰康二世。無懷六世。凡八十有八世。是為禪通之紀。可謂備矣。而又有鉅靈氏。句彊氏。自句彊而下。次譙明氏。次涿光氏。以次至次民氏。如下所統。總曰循蜚紀。有號而無世。自是而上。亦惟有九皇氏。地皇氏。天皇氏。又上而乃有盤古氏。蓋之渾沌之說。其言渾沌之初。所謂上無復色。下無復淵。為說甚繁。非足貽訓。故絀焉。自無懷降。所敘與名山

記大同。此予之史篇。亦取漱者也。鉅靈之號。此世所聞焉者也。遁甲開山圖云。鉅靈與元氣齊生。惟始氣之先者。又曰鉅靈胡者。偏得神元之道。造山川。出江河。神化之空。豈非褐冠子之所謂尸氣皇者邪。予得是書。乃更為之不疑也。然上之五紀。卒寂寂而無詔。系不得而綴矣。茲亦可謂富也。謹闕之以俟。

以下辨論本史成而立說元不在正紀中予

姓楫客準例諸史將便觀覽取之以附於逐  
篇之末故其中所用字俱在已所用有異覽  
者知之

句彊氏

譙明氏

涿光氏

伯益之書有譙明之山涿光之山而俱載於北經  
譙明涿光信其為總治者乃知遂故之事非必無

傳特恨幽介弗之究爾子觀於經而信一書之足

丁也

鈞陣氏

黃神氏

黃神氏或曰黃袿黃頭大腹出天參政見春秋命曆

陳卧子曰  
高人多不  
必然之慮  
蓋其性靈  
妄瞻目前  
之事不足  
介吾意每  
以搜神索  
遂以窺見  
聞書少文  
稀不勝嘆  
悼也  
林與魅同  
山神也

政則有官統故賈公彥云九頭紀時有臣無官人皇  
有輔佐遂皇伏羲既有官則其間九皇六十四氏有  
官明矣無文字無易天生無散太璞按圖正端是致

天極鵬冠子云物之始也傾之至其有也殊二至其  
成形端端正正勿損勿益幼少隨足以從師俗

各史

前記卷之三

四

無易天生無散太璞自若則清動之則濁神聖踐承  
翼之位與皇神合德按圖正端以致天極兩祭四致  
聞以正三百四十歲。鉅神次之。號曰黃神。見命曆敘  
息云云。所謂黃神蓋與此異本起經云三始之道太初者  
道之初也其初精盛則為元明名曰太陽又為元陽  
子丹乃化道君故曰道之初歲在太素是為一氣太  
素者赤氣也初變為黃名曰中和為老子乃化  
神君名曰黃神入於骨肉以之為人故曰人之素歲  
在太始則之氣也太始者氣之始也黃氣乃渡歸于  
白氣白若水精名之太陰為太和君此為三氣特亦  
辭中之事而歸藏經言者黃神與炎帝戰于涿鹿則  
以為黃帝矣  
抑又非此

鉅神氏

人皇氏沒。鉅神次之。出於長淮。駕六蜚羊。政三百歲

五葉千五百歲。見春秋命曆敘

翠靈氏

東荒經有翠靈之尸。翠靈氏之尸也。以不壞。

於予之路史亦異矣。凡孔聖之未嘗言者。予皆極  
言之矣。予非好為異也。非過於聖人也。夫以周秦  
而下。沈於今。耳之所納。目之所接。其駭於聽熒者  
夥矣。况神聖之事。凡之莫既者。那是堯舜崇仁義

陳卧子曰  
泉史夾雜  
路史畢竟  
單行千古  
不得其具  
作者其有  
憂患

六經論語其理備矣。顧且言之。吾見焦唇乾呃而聽之者愈悠悠也。是故莊周之徒罵以作之意以起之。而後先王之道以益嚴。然則予之所撫正亦不得而不一。爾予悲夫習常翫正。與夫氛氛日趨於奇者之不可以虛言格也。於是引其暱而景者著之。此亦韓將軍學兵法之義。而蕭相國作未央宮之意也。雖然。詆詭亂惑。猶弗薦焉。覽者知夫讓王胠匭漁父說劍之惜。則吾知免矣。

魏音規

大魏氏

大魏氏見於南密。河南密縣有秦魏山。記謂或曰秦

魏昔者黃帝訪泰魏於具茨。中山經次七畝山之東

一有大魏山。注黃陽密縣大魏山也。即具茨。今在許

之陽。翟集韻具茨山一作次。次。詳黃帝紀。言歸大魏

即大魏。姓源韻譜云。天水有大魏氏。蓋設於無垓

地。之。宇。而。臺。簡。以。游。秦。清。者。後。有。魏。氏。大。魏。氏。等。

鬼魏氏後有嵬氏。饒氏。攘氏。剝氏。鬼魏氏。嵬及鬼魏皆古侯國

孫月峯曰  
幽靈如寫  
序報滋事  
若指上螺  
文班馬不  
敢言才

各史

前記卷之三

六

和菟史云古有大菟氏鬼菟氏菟駝古通用潛夫論云菟姓饒攘刹是也三國志皆炎帝之代封之一作攘刹者訛

矣茲氏

泰逢氏

和山者實為河之九都吉神泰逢司之於蕢山之陽

出。入。有。光。見山海經今東陽有蕢山孔甲岐慶字音培集韻倍負同音培云河神一云倍尾山

世紀云即東首陽山太平御覽作蕢山音為頻繆矣泰逢氏之神也。

子曰鬼神之為德其盛矣乎昔者宰我請問鬼神

之名子曰氣者神之盛也魄者鬼之盛也合鬼與神教之至也故無鬼神則鬼神之名不立矣柰何季路之問事鬼則曰未能事人既問死則曰未知生說者往往以生死鬼神為性命道德外事有不

可以致詰而子路未可與言故夫子不與之言夫若是則夫子既不誠於人之子矣聖人之言未嘗不自盡也鬼神生死人事之大奚為而不語邪蓋能事人則能事鬼知生則知死矣生死者特性命

道德中之一事。而鬼神者，特性命道德中之一物。爾。豈復外乎。雖然，神者天之徒，鬼者物之徒也。惟人之初，與天為徒，孰不具此神哉。惟生之後，開閉之不謹，而好惡之偏，適從而蔽之也。古之聖人，惟其然也。是故開天之天，而不開人之天；閉人之天，而不閉天之天。實開天者德生，開人者賊生；德生者陽明勝，陽明勝故識性用，賊生者陰濁盛，陰濁盛故物欲行，識性用則歸於神，物欲行則歸於鬼。歸

譚友夏曰  
去廓

于神者與天為徒，歸于鬼者與物為徒。亦大地之理也。今夫天陽而地陰，魂陽而魄陰，是故智氣歸天，而體魄則歸地；神陽而鬼陰，君子陽而小人陰，是故正直為神，而儉險則為鬼；德陽而欲陰，男陽而女陰，是故德盛成男，欲盛成女；禽陽而獸陰，老陽而釋陰，是故釋誤多，毛老誤多，羽君子於此，其可不恟又恟，而自墮於鬼物之區哉。三五之時，人聰明而淵懿，純天而不人，是以黃帝大少神農顓



佔音規但  
音孺儉採  
去穀侏切  
去穀侏切  
儵去穀儵  
儵去穀儵

畜專享乎其上。句龍芒蓐祝融玄冥作配乎其下。其事然也。帝嚳而來。不能紀遠。然而禹強闕伯玄枵諸稽實沈駘臺咎陶伯益丞韋夔稷之丞。秩猶不遷之祀。橫窮卓偏。剛毅一真。烏往而不神哉。跡末之人。佔但儉侏。綦溪利跂。正真之道削。而儉儉之行多。是以不能神明而歸于物。詩云三后在天。王配于衷。本賢愚也。孔填不寧。降此大厲。逢吉凶也。三塗六道。其僭有自來矣。期期區吟。亦予之執

熱肺也。

冉相氏

冉相氏得其環中。以隨成。與物無終無始。無幾無時。

曰與物化者。一不化者也。此之謂真人。見南華真經注云環中中

道庸

中之為道帝王之心。即治天下之正道。而聖人所以示世入德之大方也。自成世以來。未有不本是以為政。而能馴致於太治者。今夫率意而射。則終

日無所中。率意而視。則終身無所與。必也質的。設而後天下之手無異鄉。日月揭而後天下之目無異屬。聖人之道。獨立乎中。而後天下之心無兩從。蓋中也者。極之則世人之日月質的也。衆見之所宗。萬手之所會。理之至義之盡。配天地而不可以復進。是故道得之而為太一。天得之而為天一。帝得之而為帝一。帝一者立乎環中。渾兮如有容。泊兮如未始。出其宗而茫兮無所終窮。自伏羲氏以

之傳炎。炎帝氏以之傳黃。無異付也。堯帝氏以之傳舜。舜帝氏以之傳禹。無異語也。降及湯文伊尹。周公而中之所以為變者盡矣。春秋之世。惟皇不極。而厥庶民亦失其所以保極之道。以故上慢下暴。王室如燬。幾百千年而不之復。則極之不逮。其禍正如此也。嗟乎。臬謨箕範。中極之說備矣。此家所有也。大易之書。明言中者五十有五。所不言者。否剝屯頤咸革賁遯明夷。九卦而已。內之中六十

陶石贊曰  
且竟過不  
及中三節  
君子于中  
無過也。有  
不及。此義  
翻新。

有四。外之中亦六十有四。得其中。動罔不吉。失其中。動罔不凶。是故否剝之五。亦獲其吉。而復泰之三。不免乎凶。惟其中之不可失也。雖然中庸之德。民鮮久矣。自漢諸儒取過不及之說。類之孔伋之書。世遂泥於過與不及之中。求之。其統矣。夫子之於中。無過也。有不及而已。致廣大。極高明。夫孰得而過邪。冉相之道。茲其所以寂寥希濶而不繼之。豈不慙歟。聖人人倫之至者也。欲為君盡君

根姻音護  
變戀惜也

道。欲為臣盡臣道。盡倫盡制。豈過不及之云乎。而彼僭者附誠明。假權變。繳繞咕囁。以綢其姻而濟其姦。豈惟無忌憚哉。其不至於幸小人而病君子亦已矣。此予之所以贊冉相氏而為中庸此也。

蓋盈氏

若水之間。禹中之地。若水之間。地當川蜀。在西南方。此禹中之名。所為立。以知東北。前易前聖之為。有說不盡。前易詳裝。揮一。有蓋盈之丘。蓋盈氏之虛也。海內朝鮮記。南海之內。禹中之國。以去有九丘。有陶唐之丘。林得之丘。蓋盈之丘。昆吾之丘。黑白之丘。神

答史

前紀卷之三

十一

民之丘。以水絡。亦陶唐昆吾之深也。

大敦氏

雲陽氏

雲陽氏。是為陽帝。見道書。蓋處于沙。沙長沙。所謂萬里沙。見遁甲經。今茶

陵西南十里。雲陽山也。又亦著甘泉。以故黃帝以來。

大祀於甘泉。甘泉山。本亦曰雲陽。在馮翊。云丹徒。董覽

記云。曲阿。秦時曰雲陽。嶺。太原地。記云。曲阿。本名雲

陽。秦始皇鑿北坑。以敗其勢。截其道。使阿曲。而名。吳

錄云。改曰丹陽。今屬潤。絳北者。非也。古之仙人。開山圖

以為雲陽先生之墟。言陽石山中有神龍池。黃帝時

雲陽先生養龍于此。為歷代養龍之處。水旱不時。祀

之。中有神書。鐵券。玉石之記。故三輔黃圖。引為雲陽

先生。然開山圖。所言陽石山。在絳北。又非雲陽氏也。

遁甲經云。沙土之福。雲陽氏之虛也。可以長往。可

以隱處。雲陽之山。在衡山之陽。只今茶陵之雲陽

山也。予游衡湘道。其麓見山川之靈秀。土膏水泥

方皇不忍去。亦意嘗有異人者。自之西首山阜。麗

倚。皆西面而北上。朝衡領矣。然攷之皇甫紀。實為

少昊之封。雲陽氏之蹤。固在甘泉。甘泉之山。本曰

雲陽。以故黃帝以來。每大祀於甘泉。則長沙之地。其亦為始封子。雖然。丹陽曲阿。亦秦世之雲陽領也。吳地記錄。曲阿正秦代之雲陽領。太史時言東南有天子氣。在雲陽間。秦人於是發赭徒三千。鑿雲陽之北岡。曲之。因曰曲阿。則今之丹徒也。昔吳岑昏鑿丹徒。至雲陽杜野小卒間。而陳敷屯田鑿白容中道。至雲陽西城。則今之破岡瀆也。故杜佑以丹陽為古雲陽。而學道傳謂是茅山。若絳北之。

陽石者。非其正矣。載言之派。以為僊者。蓋知其異也。

巫常氏

秦壹氏

秦壹氏。是為皇人。

道言天真皇人者。秦壹也。杜甫云。秦壹奉引。包義在右。堯步舜趨。禹

馳湯

開圖挺紀。執大同之制。調大鴻之氣。正神明之

位者也。是故九皇傳授。以索其自然之所生。復自然之解。與天地之所始。見鶡冠子。三皇經云。皇人者。秦

龍溪曰。天地法自然。故曰所

卷之三

前記卷之三

十三

真一五牙之法。泰帝者，泰皇氏也。傳言泰帝興神鳥，說者以為伏羲失之，三十九章經云：九皇上真玉虛君也。即泰皇矣。今鵠冠子有泰皇問泰壹天地人之事，三孰急云。昔者神農嘗受事于泰壹小子。本草而黃帝老子皆受要於泰壹元君。蓋范無形嘗無味。要會以視。捺法攬而長存者。開元鴻云：鴻有泰壹之道。寶華云：洪荒無為之道。按鵠冠子云：泰壹之道。九皇之傳。清成之初。太始之末。見不祥事于名理之外。范無形嘗無味。以要名理之所會。抱璞內篇及玄籙皆言泰壹餌金液而仙。而毫人繆忌謂泰壹者。天人之最貴。故漢武以李少翁之言。祠泰壹于甘泉。然道書謂泰壹君者。諱臍。又言身中亦有所謂泰壹者。諱務猷。蓋不足攷。有兵法雜子陰陽雲氣。黃冶及泰

壹之書兵法雲氣。著傳間出。而黃冶雜子。漢浚不復見。漢志七畧有神農兵法。黃帝兵法。又有泰壹兵法。一篇。有伏羲雜子。黃帝雜子。又有泰壹雜子。五十三篇。泰壹雜子星二十八卷。泰壹雜子雲雨三十四卷。泰壹陰陽二十三卷。其書言黃帝謁娥眉。見天真兵法。今或見之。兵書。其書言黃帝謁娥眉。見天真皇人。三一經云：黃帝游靈臺青城山。絕巖之下。見天抱璞子等。皆言黃帝謁娥眉。其事甚著。或云在青城乃見。寧封于青城爾。事見玉匱。寧封告帝曰：天真皇人在娥眉山。司授龍躡等事。見上清記。及青城等記。今青城有寧封洞。室軒后壇。及黃帝轍跡甚多。拜之。玉堂曰：敢問何為三一之道。皇人曰：而既已君

統矣。又咨三一。無乃朗抗乎。古之聖人。蓋三辰。立畧  
景封域。以判邦國。山川以分陰陽。寒暑以平歲。道。執  
以衛衆。交質以聚民。備械以防姦。車服以章等。皆法  
乎天而鞠乎有形者也。天地有啓閉。日星有薄失。治  
亂有運會。陰陽有期數。賢惠之蔽。壽夭之質。貴賤之  
寧。吉凶之故。一成而不變。顛氣浮于上。而精氣萃于  
下。性發乎天。命成乎人。使聖人以為之紀。是以聖人  
欲治天下。必先身之。立權以聚財。葵財以施智。因智

蕪茶溪曰  
愚君庸相  
妄意上古  
之治。可幾  
清簡。乃周  
密練達。秉  
道。敘典。有  
加于末世  
豈非運會  
可易。道德  
不易乎。

以制義。繇義以出信。仗信以著衆。用衆以行仁。安仁  
以輔道。迪道以保教。善教以改俗。從俗以毓質。崇質  
以恢行。勤行以典禮。制禮以定情。原情以道性。度性  
以一德。成德以敘命。和命以安生。而天下自爾治。萬  
物自爾得。神志不勞。而真一定矣。予以藁爾之身。而  
百夫之所為備。故天和莫至。悔吝屢虞。生殺失寒暑  
之宜。動靜戾剛柔之節。而貪欺終無所用。無乃已浮  
乎。黃帝乃終身弗違。而天下治。其為教也至矣。  
此所謂至

各史

前記卷之三

十五

佩金璫妙文也。自使聖人以為之紀。以上水火大淵集仙錄稍華其語。以為雲華告禹之言。楊谷授道記云。黃帝見天皇真一之之事。其所言我經而不失。遂周派四方。謁皇人于娥眉。而問真一之道。其言大率論水火絳宮大淵之事云。

予所敘古之帝王。其世治壽考。無以稽矣。計其季皆不之。三數百歲。黃帝曰。上古之真人。壽蔽天地。蓋天真全而天一定。不滯其元者也。又曰。中古之時。有至人者。益其壽命而強者也。亦歸於真人而已。蓋乘間維而基七衡。陵罔閭而隘八落者也。又

曰。後世有聖人者。形體不蔽。精神不越。亦可以齡逾數百。雖有脩縮之不齊。亦時與數。當然爾。然未有不死者。見素問天老養生經。老子云。人生大期以百二十季為節度。護之可至千歲。釋氏有所謂無常經云。天地及日月。時至皆歸盡。此言雖陋。以台觀之物。莫不有數。有數。故雖天地莫能逃。山川邑郡。陷谷遷。沙漠遺。舊海之蹤。厓險著。蟠羸之甲。晉駸破。楹昆明劫。灰則所謂地。屢敗矣。河側州郡。今歲在河南。明年決出河北。東西海岸。亦皆如是。今西北荒外。沙漠之間。皆是



滄海遺跡而太行麻姑朱崖等山險崖石罅皆土  
是羸瘠之殼頽魯公等以為桑田之變者也  
石自天星隕如雨或夜明逾晝或越裂崩地則天  
有時而毀矣兩土實石星實夜明並詳發揮兩粟  
年天東北開晉太康二年西北裂太平五年天中裂哀帝即  
裂咸和四年西北又裂昇平五年天中裂哀帝即  
位又裂梁太清二年西北裂陳至德元年十二月  
送西北開至東南或百丈或數十丈有聲如雷山  
雉皆叫或見宮室之類按內記云天墜將相死若  
見名字長言語為凶殃十二年易主蕭子顯齊書  
永元中在天開而時趙錄建元初天大裂麟嘉二  
年天崩五年又崩唐乾元四年正月十八天中半  
裂是均于幻故曰乾坤毀則無以見易易不可見  
然亂應可知

則乾坤或幾乎熄矣宛首亦曰天地運度亦有否  
終日月五星亦有虧盈而况於人乎宛首道奈何  
封君世辟不知乎此蔽於方士之言以求不死不  
死邈然而小者亂貽天下大者喪身失國不可勝  
數矣稽之其徒初無是說許玉斧言黃帝鑄鼎以  
疾崩葬橋山莊周言老子之死秦佚弔之三號而  
出而師曠亦謂周太子晉色赤不壽後三年而死  
孔子聞之曰惜哉殺吾君也是老子初無青慮上

前紀卷之三 十七

呂氏  
前編  
陞之事。黃帝初無蒼龍高蹈之言。而子晉初無綵鳳空騫之語。皆方士之徒設辭以愚弄其君。而取寵亦自其教之害焉。且物壯不老是謂不道。陰陽固有終變。偃佺千歲。老彭七百。亦必死而已矣。而荒君亂主。方僕僕信事之。以至於敗亂而終不悔。豈不懷哉。昔班生謂道家本出史官。歷記成敗。存亡禍福。古今之道。然後知秉要以自守。清虛以自持。君人南面之術。而老君亦令寇謙盡去三張偽

法。蓋氣穢事。謂大道清虛。顯以禮度為首。豈有茲事。竊究其要。與世禮正。胡翽而尤以信行為軌。軌初無不死之言。子貢有云。死生有命。而孔子亦曰。衆生必死。自古皆有死。使孔子而非聖人。則斯言為不可信。予悲夫。世主之甘心於其聾瞽而不悟也。故博觀死生之際。而極論焉。尚其曉然知之。而不蹈於悔也。

空桑氏

各史

前紀卷之三

十八

空桑氏以地紀。空桑者充鹵也。其地廣絕。高陽氏所  
嘗居。皇甫謐所謂廣桑之野者。或云窮桑。非也。窮桑  
在西。小顛之君。詳少昊紀。若乃伊尹之生。共工氏之所灌  
則陳留矣。伊尹產空桑。在陳留。非魯地。呂不韋等謂伊尹之母化為空桑。尹生其中。大妄。  
空桑在東。窮桑在西。歸歲啓莖云。空桑之蒼蒼。八  
極之既張。乃有羲和。是主日月職出入。以為晦明。  
蓋指隅夷之地。故記孔子生於空桑。春秋演孔圖  
云。徵在游於大冢之陂。夢黑帝謂已。汝產必於空

桑。而于寶所記徵在生子空桑之地。今名孔竇。在  
魯南山之穴。故孔廟禮器碑云。顏育空桑。空桑魯  
北。孔子魯人。故說者指云。空桑。聚而言之。魯南山  
穴之說。正自庚矣。乃若共工氏之振滔。鳩於以薄。  
空桑則為莘。陝之間。伊尹莘人。故呂春秋古史攷  
等。俱言尹產空桑。空桑故城。在今陳留。固非魯也。  
故地記言空桑。南祀而非陳留。各三十里。有伊尹  
林。而所謂窮桑。則非此矣。拾遺記言窮桑者。西海

之濱也。地有孤桑于桑，蓋在西垂。少昊之居，梁維之域。故周書嘗麥云：帝命蚩尤，宇于小顛，而遠遊。章句：西皇所居，西海之津。西皇者，少昊之稱，而小顛者，少昊之正字也。宜為咸陽，故咸陽曰雲陽。而少昊，一曰雲陽氏。雲陽縣，今隸曜漢甘泉宮，即武帝之太時也。顛頊，繼少昊者，故世紀顛頊亦自窮桑遷商丘，事可知矣。而杜預處以窮桑為在魯北，至釋例地名，乃云地闕，故顛達云：言魯北者，相傳

言爾，蓋以定四季傳封伯禽於少昊之虛，逆之而樂史之所記，乃在曲阜。此又因預而妄之也。太昊在東，少昊在西，予既言之，拾遺遠遊窮桑，既在西極，則魯曲阜之說，得非太昊之虛乎？郡國志云：少昊自窮桑登帝位，非空桑也。

神民氏

天地開闢，爰有神民。民神異業，精氣通行。見潛夫都論卜列都於神民之丘。山海經陶唐等九丘，有一曰神皇氏，駕

各史

前紀卷之三

二十

六蜚塵收三百歲春秋命曆敘

倚帝氏

都倚帝山。山海經有倚帝之山。唐吳筠下第。遂居南陽。倚帝山即此。竇子野云。今內鄉東三十

里。騎立山也。

次民氏

次民氏是為次是民。洛書摘上辟注。以次是民為皇。次屈非也。次是民。漢

元皇出天地易命。以地紀。此春秋命曆敘文。與洛書

始。六處之世終也。六皇者。此。此以下辰故氏而始。六處之世終矣。

丹壺之書其不繆歟。今既闕着而或者有不慝命。歷之敘其亦有所來乎。胡為而多盍也。貴人云。何子之好言古。曰有是哉。今古一也。若以古為見邪。苟況有言。詐人者謂古今異情。是以治亂異道而眾人惑焉。彼眾云者。愚而無知。陋而無度者也。於其所見。猶可欺也。况于世之上乎。彼詐人者。門庭之間。猶挾欺也。况于世之上乎。以心度心。以類度類。以說度功。以道觀盡。今古一也。類不索。雖久同。

理。故往緣曲而不迷也。五帝之時無傳人。非無賢  
人。以故也。五帝之中無傳政。非無善政。以故也。虞  
夏有傳政。不如商周之察也。而況次民倚帝之時  
乎。以今觀今。則謂之今也。以後而觀。則今亦古矣。  
以今觀古。則謂之古。以古自觀。固亦謂之今也。古  
豈必古。今豈必今。植自我而觀之。千世之前。萬世  
之後。亦不過自我而觀爾。傳近則詳。傳久則略。略  
則舉大。詳則舉細。愚者聞其大。不知其細。聞其細  
之異哉。

右循蜚紀二十二氏六十餘世

路史全本三卷

終

前記卷之三

二二

重訂路史全本

廬陵 羅泌 輯

男 萃 註

雲間 陳子龍 閱 仁和 吳弘基

西湖 金堡 吳 猿城 陳 緘 全訂

仁和 陸聲遠

因提紀

辰放氏


辰放氏是為皇次屈。宋均注春秋命歷叙云辰放皇

路史

前紀

卷之四

一



*[Faint vertical text, likely bleed-through from the reverse side of the page]*

郭音勃

揀同塞

是民即皇。渠頭曰乳駕六蜚麇。太平廣記出地郭均  
 次屈非也。而從日月上下天地與神合謀。注云從謂順度古初  
 地名郭。而從日月上下天地與神合謀。注云從謂順度古初  
 之人并服蔽體。伏民氏沒。辰放氏作。時多陰風。乃教  
 民。揀木茹皮。以禦風霜。茹蘊也茹毛。絢髮聞首。以去  
 靈雨。而人從之。命之曰衣皮之人。命歷叙言被木枝者也。治三  
 百有五十載。同上云。離尤次之。  
 事之始。未有不善。其末未有不敝。服食器用王道  
 之本也。自生民以來。至黃帝而大備。初修增革。更

幾聖而後至。蓋天下之事。因乎時。不因則不立。不  
 時則不成。時之所未厭。雖聖人不能以強去。時之  
 所未安。雖聖人不能以強行。若興若廢。特顧其時  
 而已矣。始古之時。地獸方興。鴻水未息。人之患也。  
 極矣。聖人者作。涵沈鴻而致之海。馭蛇龍而放之  
 淵。然後人得平土而居。天地之間。滄熱而蕭籟之  
 下。足它恙。於是教之巢穿以避之。此百姓之所與  
 也。猶未艾也。生者有所需焉。故多寒也。為之羽皮

各

論已卷之四



茅鹿門曰  
韓昌黎原  
道篇此役  
而條達焉

以禦之。多傷也。為之火食以遂之。多疾也。為之醫藥以濟之。多滯也。為之泉幣以行之。不疏也。為之歌舞以道之。不通也。為之舟楫以郵之。相傾也。為之符璽以信之。相奪也。為之權衡以平之。無爪牙以自衛也。然後為之城郭。羽皮之不給也。然後為之布帛。木處而顛。上處而病。然後為之棟宇。為之祭祀以致其報。為之刑政以率其壞。為之車輿以佚其體。為之棺槨以厚其終。以至為網罟。為耒耜。

為杵臼。為弧矢。為鯤鯨。為茵帷。為澧洛。筮合土。墉竈泄井。黼坐鼎食。藉牛乘馬。兕矛劔戟。重門擊析。各以智巧。變而通之。害至而為之備。患生而為之防。因其時而極其用。生生必具。然後夫人知有生之為貴。養生送死無憾。然後人得安其生而樂其化。此教治之大基也。是其有不善邪。降及它時。不原其故。乃至窮耳目之好。以徇人。劉主民之脂。以自奉。傾宮璇臺不足處。則更為之萬戶于門。合

尸子曰其  
物以持曰  
約積靡其  
末卡有不  
敝

官能鷄不足乘則復侈以錦帳珠雨。南河西施。獵  
車千乘。織金鋪翠。費動萬計。撞萬石之鐘。戎雷霆  
之鼓。窮日卜夜。有不足以既其權。弗聞天下之嘆  
嗟。而施施自以為樂。天道惡盈。嗚呼。闕闕。而何能  
以久生乎。桀紂幽厲。秦政石后。高緯升寶。齊昏隋  
煬之流。亦可以鑒矣。惜哉。雙龍稷尚。伊周孔孟。公  
則人臣。而安時處順。不失天下顯名。夏癸商受。魯  
桓齊穆。人君也。而清虛者猶尚其有禽獸之心。惟

強音洛水  
名又地名

其見善不明。恣人欲滅天理。物至而人化物。兩物  
至而人化物。則其夜氣不足以存。夜氣不足以存  
則其違禽獸不遠也。嗚呼。物之感人無窮。而人之  
受用無盡。若以為足。今固不啻若猶未也。雖萬  
此其足邪。願是數主之取盡力。又美之為美好哉。  
逐物喪我。特不思而已矣。然則如之何。曰。吾不為  
奢亦不為儉。使為儉。則齊鸞永泰之間。分裹蒸餘  
阜茨灤梁。衍大同之際。豆鬻布帳。雖唐堯河以加

各史

前已卷之四

口

諸吾無取焉。必也當其令。遂其數而已矣。

蜀山氏

蜀之為國肇自人皇。

世本揚雄蜀紀華陽志本蜀論等語

其始蠶叢柏

濩魚鳧各數百歲。

見蜀紀。跡蠶叢帝相濩帝魚鳧帝。或作折護與伯雍者非。震宇記作

伯禽

號蜀山氏。蓋作于蜀。

今成

蠶叢縱目王瞿上。

尤踈。城在今漢沔縣南。十里。縣北有瞿土。如

魚鳧治道。

今眉之岷山縣。七東二里有魚鳧津。

蒲音蒲。樗蒲也。

不知文字。上至蠶叢。年祚深眇。

揚雄記云。二萬四千載。杜甫云。二萬八千

歲蜀記等言。魚鳧等君。治蜀八萬。最淡乃得望帝。杜

宇寔為蒲桿。蓋蜀之先也。

杜宇。紫令說詳餘論。司馬貞以杜宇出唐杜氏後。妄

舊記有女曰剌。從地出為宇妃。按女利乃自叢以來。

帝號。蘆保一作盧帝。保帝。今廣德之建平有蘆保。其

妻曰妃。俱葬之家。永明二年。蕭鑑刺益。治園江南。鑿石

斗。金蠶地數萬。珠砂為阜。水銀為池。珍玩多取。不識

有篆云。云叢氏之墓。鑑責功。曹何。竹墳之一。無所犯。

今武擔山也。本曰武都。在府西。石二十步。周三百五

十步云。妃始武都男子。化為女。美艷。開明尚結之。不

習水土。欲去。王作東平之歌。六樂物故。既葬。表以二

前紀卷之四

五

石闕石鏡。武陵王蕭妃掘之得玉石。棺中美女容貌如生。林如冰。掩之而寺其上。鏡周三丈五尺。樂史云。厚五寸。徑五尺。今杜守廟在益治北五里。永平昔黃橋西。齊建武中劉季連自淮口鎮城內徙此。帝為其子昌意取蜀山氏而昌意之子乾荒亦取於蜀山氏。悔其浚業。益山記。岷山禹廟西。有姜維城。又蜀山會西北九十里。其會州周置。喜為茂州。今及高茂之汶山有眉山。樂史亦云。昌意娶蜀山氏也。卒氏以其少子封蜀。則繼之者也。昌意遜居若水。元生石紐。其地時在蜀。蓋五帝時嘗合中國。世本謂蜀王每世相承為黃帝。後而通典以蘓叢伯雍為帝。佶之支。樂史行之。謂歷夏商。秦惠文元年蜀人來朝。八至周始稱王。目前誤云。

年伐滅之。初蜀道相攻。來告急。司馬錯詣伐之。見史記。始降侯云。使陳莊遂屬秦。蒙宇記。梓細引常璩云。靜王五年。秦大夫張儀司馬錯從石牛道滅蜀。問中無引作順王五年。嗚呼。山川設險。以天地之可以限疆界也。嗟人之生。雖聖且智。其精神固有限劑。而洞地之不可極。今古同也。柰何多欲之君。溪心壑志。貪以取。敗然後百鍊。啓而天地閉矣。予讀楊雄蜀紀而感夫蜀之所以通中國者。天蜀之為國。富羨饒沃。固自一天壤也。西番東漢。北秦南廣。一障之隔。自生民以

王弼曰  
多賄賂  
多湛湛  
情  
則固首  
事  
有以識  
其

乘。君君世紀蜀不知有中國。而中國亦莫知有蜀。五帝以來。羈縻服外。蜀固不為中國。少而中國亦不為蜀。不足也。逮安王時。蜀王貪林求。欲無厭。故秦惠得以圖之。飾妖饒之予。剗怪誕之牛。以誘其衷。而後褒余之路。棧矣。以故秦人得蜀之貨。而遂併天下。自是蜀山不閉。莫有其有。至於今。為中州。則貪求之所致也。一自中國之有蜀也。固不可謂之無利也。然而風動之辰。常先他國。而綴靈府。一

或入保。則無復中國之所有者。是其為國。同鬼神之所作也。予既讀蜀紀。而感夫蜀之所以通中國者。及讀陳子昂之疏。而又幸蜀之不通於吐蕃也。夫吐蕃之於蜀。猶昔日之秦於蜀也。方其挈唐之兵。大戰則大勝。小戰則小勝。幾十載矣。未嘗仁一旅也。以薛仁貴郭待封。虓武之將。胥十方之衆。於大非之川。一甲不歸。以李敬元劉審禮。廊廟之宰。辱十八萬衆於青海之上。竟不能俘一醜。而闕隴

為虛。可謂疆矣。然其垂羨全蜀之珍。如是之久而不得食者。徒以山川之阻絕。而障塞之不通也。明為議者。欲以梁鳳巴蜺之兵。開蜀道。繇雅州以討生羌。而蔽吐蕃。夫羌人固未易討。而昔者東漢之所由喪敗者也。嗚呼。其亦幸而不成。歟。萬一生羌可破。而蜀道遂開。則蜀之瑤庫。自此吐而西矣。使我而得吐蕃。其財固不足以裕國。其地固不足以穡也。而徒戮無二之民。竭有常之帑。以徇之爾。其

或得之。而得以穡。亦何異于釋近熟而創遂業乎。又何異於舍己之田。而芸人之田者也。况己之田舍矣。而它人之田未及芸。邪。昔者漢之武帝好大而喜功。使者張騫乃反誇以西域之富。於是噪兵以爭之。四十年間。中都之財賦。憂國之生靈。略盡於西域矣。非不得其地也。得朔方之郡。而自不繇以耕也。非惟不能耕也。得朔方之生。而弃上谷造陽之熟。以予胡矣。其所以危士臣。以締怨者。得大

宛民焉數十而已。使齊楚之巨擘。怒而交訟。所爭亦不當是。一何默邪。嗟乎。武之轍既覆於前矣。而隋之裴矩。又以西域之圖。蕩煬帝之侈心。於是親出玉門。置伊吾。且末。而關右蕭然。始時成彊。幸歸狼狽。此魏公之所以傷之者也。顧不寔教。予嘗言之。溟渤洋洋以天地之取以限東徼也。惡溪沸海。此天地之所以限南徼也。惡溪在閩。多屬青氣。中者其魚多鱗。沸海常沸。尤多惡魚。翽云。炎風貢者。絀之。隔河懸度之設乎。西爾

賓西行。歷大小頭。痛山。赤土。身熱之坂。宋唐異物。志云。山皆在渠搜之東。疏勒之西。冬月過之。必有頭痛。身熱。吐逆之患。驢畜皆然。夏日則死。山有毒藥氣之所為。又有三池。盤道經三十里。又經烏稔。四百里。石懸度。山只尺之路。下臨不測。法顯記在盤陀西南。今葱嶺。冬夏有雪。即佛書言雪山者。道有毒龍。犯之輒斃。瀚海沙子之設乎。北此天地之晦。飛礫過者少全。瀚海沙子之設乎。北此天地之所以遮西而制北者也。乃者在契丹。後彌數千里。石林牙。挈其子。三晝夜。逾沙激障霧於東維。東南子立之數十年。粘罕莫能近。障霧東南。胃者多死。其病如疫。而重劇。至七孔逆血。故南方有大。小法場之號。今越篤有瘴氣。中之有散着人。人死着木。木折曰鬼。界黑水於南極。黑水在梁雍。隙。本山障之氣毒也。

前記卷之四

黑黝 泄流沙於西陲 裴矩西域記自高昌東南去辰州千三百里並沙磧之水草四  
面茫茫蓋西州之柳中路也又有一路自柳中縣  
南東行經大海之東又東南度磧八伊州即裴西  
謂伊吾路今使郵至高昌從武威西北有撓路  
度沙磧千餘里四面茫然不可準記行者惟以人  
蓄骸骨驢駝糞為誌大雷即不得行或道見官宇  
忽聞歌笑從之者多不交蓋螭魅也當且末西北  
沙中夏則熱風為患惟者駝知之將作則聚鳴而  
擁其鼻口不則危矣今高昌客旅皆繇伊吾道  
決弱水於北滅此天地之所以界四維也 出陽關  
路經隴河伐種置中乃得度弱水亦陷河之類河  
毛皆沈今川廣之界亦惟一小河淖淫而深今古  
不得度蓋 八荒之內奚有矣無八荒之外何窮何  
亦弱也

止古之聖人一視同仁為吾臣與為狄人臣奚以  
異是故人得其君則已矣請試舉一隅以憲之方  
昇明之二年倭王奉表以條其祖之勛謂東西之  
所服者二百九十有六國是固海東之國也倭王  
之所服者也其所不服者幾什佰君其盡制歟 東  
人等五十五國西服象夷六十六國渡 支顯西游  
北海北九十五國一云二百一十六國 支顯西游  
道其所記亦數百國此於甸以西國也支顯之所  
知者也其不知者又不知其幾也智猛法盛之錄

前記卷之四



曩勇道安之傳。審至之國。不下三四五百大。延四  
域之使。魏氏四道之賓。西秦之國。亦不下三四五  
百。此世之未嘗聞者也。是數千國者。固俱樂土也。  
其地可謂遠矣。而其人亦未嘗有能道天之渥地  
之角者。惡平貪而不已邪。有海國說。見餘論。慮亂者。穿其  
頤。志遠者。剝其目。黃帝堯舜。非不能服遠也。而兩  
守者。域脈之外。一無所事。其在周公。亦不過曰。詰  
爾戎兵。陟禹之迹而已。夫禹聲教暨於四海。而其

制中國。若是截也。舜按四凶於四裔。羽山乃今海  
州。崇山乃今澧州。幽州則今遼

東。而三危乃今渭水之源。孫今視之。皆為近地。齊  
之伐山戎。此特北平之地。而當時已譏其遠伐。韓  
愈之貶潮陽。可謂遠陋。蕭育之守張掖。固已窮僻。  
而今更為內地。故臣遷客。遂至編隸。朱厓沙門。高  
上猶以為未。豈  
堯舜之心哉。伊尹四方之令。狗國豹胡。亦不過

三十有六國。來者不可距。往者不爾追。又曷嘗勞  
吾萌。宣吾府。而奉之哉。噫。先王之政教。其施於中  
國者。蓋詳矣。推先王之政教。以治中國。則禹之所  
制。不為少矣。不繇先王之政教。則禹之所制。猶將

遜音灰

不異於戎狄。彼以遠略誇後世，而不詳乎其內者，是豈禹之心也哉？末世之君，不知古者之所以為國，而以貪求速敗，豈不甚惑邪？嗚呼！其亦不聞蜀漢隋氏之事則已矣。少有所知，有不為之寒心哉。

遜傀氏

遜傀氏後有遜氏、傀氏。見元和姓纂遜傀氏之迹，學者必以不著，每以屬之皇神農。後世遂謂神農為遜傀氏失之。

渾沌氏

渾沌氏是為渾敦。後有渾氏、沌氏、屯氏。見姓苑等姓

沌風俗通作混屯。姓苑云：後去水為若至於所謂盤

屯姓纂又有屯渾氏云：太昊佐謬。古氏異矣。盤古氏亦曰渾敦氏。羅隱有渾敦氏施化

江河之類。本出三五曆紀等書。

予嘗議三墳之偽。渾沌氏豈太昊之佐哉？六韜之書，渾沌氏在吳英氏前。及班固表古今始列之，伏羲之下，應劭作書，遂以為太昊之良佐。三墳姓纂

一皆因之。失其本矣。昔者孔子謂子貢曰：渾沌氏之治，若予與汝，奚足以知之？渾沌氏豈太昊之佐哉？此班生之失也。雖然，渾沌氏之治，於今果何如邪？老僖子曰：古者被髮而無卷領，以王天下，其德生而不殺，予而不奪，天下之人非其服而同懷其德。當是之時，陰陽和平，萬物無息，蜚鳥之巢可俯而探也，走獸可繫而從也。蓋執中涵和，除日無歲，無內而無外者，此渾沌氏之治也。至其衰也，鳥獸

虫蛇皆為人害。是故迫其難則求其便，因其患則操其備。故常不必循，器械不必因。後世因時而有變易，亦以輔萬物之自然而已矣。七十九代之君，其為法不同，而俱王於天下。繇此道也。食也息也，何久近之殊哉？嗟乎！舊國舊都，望之悵然。雖使丘陵草木之縉入之者十九，猶之悵然。况見見聞聞者乎？夫有盛必有衰，而衰者必復。有冬必有夏，而冬者必開。此天地之化氣也。今也覲古之人，被畫

冠服而企止者質厚魁偉重視深息氣象固已殊矣况三代之時乎三代之世聖賢自多而况出於其上者乎然則君子何獨於渾沌氏疑之哉彼將無告賜之言者吾不恤也

東戶氏

東戶氏之熙載也紹荒也遺美好垂精拱默而九蒙以承流當是之時禽獸成羣竹木遂長莊注云是其性而止無吞史之心上道不拾遺辨者餘餽宿之隴首其故物全

陳卧子曰  
前史能詳  
路史之奇  
所以單行  
今古

敬樂而無謠其哭哀而不聲皆至德之世也見子思子云東戶季子之世道路不拾遺耒耜餘糧宿諸駘首使君子小人各得其宜也許氏云古之人君傳又作東苞或謂即夏之有苞繆矣人物未在於帝之前魏文帝令叙黃帝於其後可知矣

前世之史患乎略後世之史患乎詳予述此書自遂人而下益詳蓋法之始禮之初政治可則不得而不詳也遂人而上雖復著之有不得而詳者若夫上之號氏世姓多得之外書與夫封單之文於儒書無所見雖或有之連蹇其文濛濛其說如風

俗通之列僊氏。始學篇之卷須氏。皆誕繆無軼者也。補史記又有得。以僅存者。如氏譜之言夷氏。莊子之舟相氏。狝韋氏。皇覽之巫常氏。王潛夫之神民氏。子思子之東戶氏。尤倉子之几蘧氏。風俗通之帝疇氏。和菟史之太菟氏。鬼菟氏。命曆叙之黃神氏。狝神氏。辰放氏。皇談氏。然皆不得攷其上。下獨夏后氏之書。注山水之所自。多有譜其號氏者。豈其人之取自出。而迹之所履邪。以此諦其不誣。

也。故子得以詳擇焉。

皇覃氏

皇覃氏。一曰離光氏。先頭曰角。格六鳳。皇出地。禰春秋

命曆在而不治。官天地府。萬物審乎無假。是故死生

同兆。而不可相陵。在者任之而已。一而不驚。命曰天

於合任。則物自足矣。虞書云。在治忽亦任其自然而

已。故莊子曰。聞在宥天下。不聞治天下。管子亦云。先

王之在天下。民比之神明之德。孔氏以來說者皆以

為察其然哉。在璇璣正非屑屑致察也。在之而已。

治二百五十載。命曆序云。次民沒離光次之。

各之。行已卷之四

至政之謂時。至變之謂世。時政再而僂。世變三而  
復。三變則百年矣。子曰善人為邦百年。亦可以勝  
殘去殺矣。勝殘去殺。宜若小然。今也善人為之。猶  
有待於百年何邪。世變之道然也。男子生三十壯  
有。益於是始室。父子相及。是故古者三十年而成  
世。如有王者。心世而後仁。蓋一世則變矣。天時人  
事皆一更矣。變極亂而為極治。無生而為無殺。至  
殘而為至安。豈一朝一夕哉。殘之勝。殺之去。故必

三變而後復也。五帝無殺者也。三王無殘者也。而  
五伯則無生也。無安也。伯一變而王。王一變而帝。  
帝則皇。皇則道矣。繇無安而至於無殘。無生而  
至於無殺。必有漸也。齊一變至於魯。魯一變至於道。  
風移世革。宜必百年而後可也。今夫五月旱。燠。人  
知為暑也。而陰實生之。十月冰霰。人知為寒也。而  
陽實始之。治亂之變。亦陰陽與寒暑也。寒暑之期。  
三月而移。治亂之勢。百年而復。善歲之家。知寒暑

之必至。故在暑而寒成。在寒而絺成。是以終身無  
寒暑之憂。善世之君。知治亂之不常。故在安而圖  
危。在治而圖亂。是以畢世無阡危之患。居今之世。  
不變今之道。雖與之以天下。不能一朝居。要嗟乎  
自有君。沈於堯。如辰放。皇單。遂人。有巢。為世之期  
皆逾二百。正所不論。而羲炎若黃帝。青頊。唐虞。且  
不下於百年。天下大治。絲堯而來。三千年間。百世  
矣。紀載之不可明。紀者。蓋亦時有之矣。四海之內。

張賓王曰。事出非常。黎民所懼。變非聖人。不可樂言也。然至治之。後當防其。變積亂之。後不可不。變若長源。論變層累。而上三變。幾帝此。又。神明。熙洽。

或合。或離。或治。或隳。或唱。或隨。或強。或羸。一。二。世  
而其風已替。固未有兼世而能一其風俗者。雖有  
名世。繼世而興。猶必化之一洽。教之一浹。而後民  
之情。始可以一變。其繼周者。苟能不替。則雖民如  
夷狄。三變而帝道可期矣。觀時會通。豈欲速之功  
哉。柰何國無百年之世。世無百年之道。以其代有  
賢不肖。奚啻相瀦。茲文王所以望而未見。時之難  
人之難。此治世所以常少。亂世所以常多。先王之

各史  
前記卷之四

此語此無

治所以不務廣地而務詳其政教誠以天下之治  
難乎其變復也子曰博施濟衆堯舜其猶病諸五  
畝之宅蔣之以桑五十者可以衣帛矣雞豚狗彘  
之畜無失其時七十者可以食肉矣謹庠序之教  
申之以孝弟之義斑白者不負戴於道路矣斯先  
王之政也五十者帛七十者肉則少者有不帛而  
不肉矣斑白者不負戴則少者不免於負戴矣聖  
人之心非不欲少者衣帛食肉不負戴也而取養

有不贍此病施之不博也內無怨女外無曠夫則  
江漢之民無鰥寡矣老有所養幼有所長則江漢  
之民無孤獨矣穀不入污池則魚鼈不可勝食  
矣斧斤以時入山林則材木不可勝用矣斯先王  
之政也然江漢之域鰥寡孤獨無失養則遠人有  
失養者矣九州之內魚鼈草木無不若則遠物有  
不若者矣聖人之心非不欲九州之外鰥寡孤獨  
皆得養魚鼈草木咸若也而取治有所不及此病



濟之不衆也。博施濟衆。此堯舜之所以猶病之也。惟易有言。既濟亨小。無欲濟世而不至於大。則吾之仁有不盡矣。仁有不盡。則吾之施有不可得而必矣。施不可必。則天下之寒饑屈枉。厄窮而無膠者。何時已邪。見其生。則不見有弗及矣。聞其聲。則不聞有弗及矣。况其遠邪。是以先王不務廣地。而於吾之所制。每致其詳。於吾所制。苟致其詳。則四海之內。將有聞風興起。視則而視効矣。然則脩已

以安百姓。是必勝殘去殺而後可也。而曠者曰。埃河之清。夸者又曰。日月異照。是故或七。八年。或五。六年。或四。三年。不至於大敗極亂。喪亡相仍不止。則其視義矣。黃帝辰放。皇覃也。何啻朝菌與蜃。蠃哉。今而匹之。不亦悲乎。此予所以贊古人之久治。而每為之三太息也。

啓統氏

啓統氏別無攷。見獨起居舍人章衡運紀記。若通

各史

前記卷之四

十一

載有之。而乃序之尊。盧氏之沒。觀衡自言。歷觀四  
部。古人圖籙。其亦有所取矣。嗚呼。治古盛德之君。  
未有聞焉者多矣。豈非地寧天澄。物無害生。萬庶  
涵泳春風之中。而不知取。以為稱邪。草木以土為  
生。而不知土。魚鱉以水為命。而忘其水。是故聖人  
父母萬物。澤及天下。而不知其誰氏。上清玄格曰。  
大道似不肖。盛德若不足。韜光晦迹。自翳其身。而  
人不知其。咎統氏之謂乎。

